

& superanda esse, ne dubita : Intuere majorum exempla, & imitare eorum *ἀνεξίμακίας* nemo enim vir magnus unquam fuit, qui non senserit sinistrum fatum. Commendo tibi nobile dictum Tertulliani Jcti & Theologi, quo Melanchton quoque delectatus fuit : si apud Deum deposueris injuriam, ille ultor erit : si damnum, ille restitutor erit : si dolorem, ille Medicus erit : si mortem, ille resuscitator erit. Bene sit tibi & Ecclesiae & Reipubl. Norib. Basileæ d. 27. Aug. 1588. Vetus tuus amicus.

P. S. Hic studiosus ad nos redibit. Is tibi *κατ' ἡμᾶς* bona fide recensere poterit.

EPISTOLA LV.

S Vir clarissime, non mihi opus esse duco, apud te, qui constantiam christianam in tuenda amicitia probas, repetere vetus proverbium de silentio multas amicitias dissolvente. Nam & tu tibi similis permanes in benevolentia & ego tui memor sum, quum res postulat, apud Deum & homines. Et plane persuasum habeo, tam te paratum mihi meisque benefacere, quam ipse me admutua officia obligatum esse profiteor. Ubi

K 2

nunc